



IZVJEŠTAJ

O REALIZACIJI PROGRAMA UTROŠKA SREDSTAVA IZ BUDŽETA OPĆINE KAKANJ ZA PODSTICAJ RAZVOJA PODUZETNIŠTVA I OBRTA ZA 2017. GODINU

OBRAĐIVAČ: Služba za privredu, urbanizam i zaštitu okoline

PREDLAGAČ: Općinski načelnik

RAZMATRA I USVAJA: Općinsko vijeće

Kakanj, januar 2018. godine

U Budžetu Općine Kakanj za 2017. godinu za podsticaj razvoja poduzetništva i obrta planirano je 400.000,00 KM. Izmjenama i dopunama Budžeta od 30.11.2017.godine taj iznos je umanjen na 340.000,00 KM. Razlog ovog umanjenja je što se pojedini podsticaji neće u cjelosti isplatiti u 2017. godini, obzirom da obaveze po zaključenim ugovorima prelaze i u 2018. godinu i iste će biti planirane i realizovane kroz Program utroška sredstava iz Budžeta Općine Kakanj za podsticaj razvoja poduzetništva i obrta za 2018.godinu. Također odobrena su sredstva Vlade ZDK-a u iznosu od 21.000,00 KM za učešće u sufinansiranju projekta „Pokreni svoj posao u Kaknju“ i ista su uticala na manju potrebu vlastitih sredstava za realizaciju projekta.

Pregled planiranih i utrošenih sredstava (tabela 1):

R.b.	Naziv podsticaja	Planirana sredstva (KM)	Utrošena sredstva Općine (KM)	Utrošena sredstva ZDK-a (KM)	Utrošena sredstva H.O. World Vision (KM)	Ukupno utrošenih sredstava (KM)
1.	Refundacija troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. u 2017. godini	42.000,00	35.327,78		-	35.327,78
2.	Projekat „Pokreni svoj posao u Kaknju”	70.000,00	52.311,73	9.875,78	-	62.187,51
3.	Sufinansiranje troškova nabavke novih mašina i druge opreme u cilju proširenja djelatnosti i povećanja broja zaposlenih (osim za trgovine, ugostiteljstvo i poljoprivredu)	60.000,00	55.762,10	-	-	55.762,10
4.	Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj	50.000,00	43.676,06	-	-	43.676,06
5.	Regresiranje kamata po kreditima odobrenim u komercijalnim bankama u 2016. godini za poduzetnike i obrtnike sa područja općine Kakanj (osim za trgovine i ugostiteljstvo)	10.000,00	1.787,30	-	-	1.787,30
6.	Sufinansiranje dijela troškova zakupa poslovnog prostora obrtničkim radnjama (osnovno zanimanje) i preduzećima d.o.o., koji su registrovali djelatnost i osnovali firmu na području općine Kakanj u 2017. godini	12.000,00	1.200,00	-	-	1.200,00
7.	Sufinansiranje Projekata u saradnji sa humanitarnim i nevladinim organizacijama shodno potpisanim ugovorima o saradnji (HELP, World Vision, Muslim Aid)	10.000,00	5.000,00	-	2.000,00	7.000,00

8.	Sufinansiranje projekta „Ekonomsko osnaživanje žena kroz obuku krojenja i šivanja“	15.000,00	15.000,00	-	-	15.000,00
9.	Finansiranje (refundacija) bruto plaće zaposlenika UPOK-a	15.636,00	15.463,95	-	-	15.463,95
10.	Promocija razvoja poduzetništva i obrta	5.000,00	3.230,00	-	-	3.230,00
11.	Ugovorene obaveze prema korisnicima podsticajnih sredstava iz 2016. godine	81.604,00	87.206,45	-	-	87.206,45
12.	Rezervna sredstva	8.760,00	12.552,05		-	12.552,05
13.	Sufinansiranje obuke i stručnog osposobljavanja radnika za poslove krojenja i šivanja	20.000,00	0,00	-	-	0,00
UKUPNO:		400.000,00	328.517,42	9.875,78	2.000,00	340.393,20

Napomena uz tabelu 1.: U 2017. godini je za podsticaje u oblasti poduzetništva i obrta iz Budžeta Općine Kakanj isplaćeno ukupno 328.517,42 KM. Shodno potpisanim ugovorima i obavezama prema korisnicima projekata „Pokreni svoj posao u Kakanju“, „Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj“ i „Regresiranje kamata po kreditima odobrenim u komercijalnim bankama u 2017. godini za poduzetnike i obrtnike sa područja općine Kakanj“ preostali dio novčanih sredstava realizovati će se u 2018. godini.

Članom 32. Odluke o izvršavanju Budžeta Općine Kakanj za 2017. godinu (“Službene novine Općine Kakanj” broj: 2/17) određeno je da će se sredstva za podsticaj razvoja poduzetništva i obrta realizovati u skladu sa kriterijima i odlukama Općinskog vijeća na prijedlog nadležne općinske službe i Općinskog načelnika.

1. Refundacija troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. u 2017. godini

Podsticajna sredstva namijenjena za refundaciju troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. u 2017. godini isplaćena su za 61 (šezdeset jednog) korisnika pravno/fizičko lice (15 pravnih lica – d.o.o, 8 ugostiteljskih, 11 trgovačkih i 27 obrtničkih radnji). Ukupno realizovana sredstva iznose 35.327,78KM

2. Projekat „Pokreni svoj posao u Kaknju“

Na javne pozive za projekat „Pokreni svoj posao u Kaknju“ prijavilo se ukupno 17 kandidata, od kojih je 15 ostvarilo pravo na dodjelu podsticajnih sredstava. Korisnicima podsticajnih sredstava sufinansirana je nabavka sredstava za rad, repromaterijala, opreme i sl., za registrovanu djelatnost u maksimalnom iznosu do 3.000,00 KM i refundiraju se troškovi obaveznih doprinosa – PIO, zdravstveno osiguranje i osiguranje od nezaposlenosti (maksimalan iznos do 350,00 KM/mjesec), za period 12 mjeseci od dana potpisivanja ugovora o realizaciji Projekta.

Projekat „Pokreni svoj posao u Kaknju“ sufinansiran je i od strane Vlade Zeničko-dobojskog kantona za što su nam isplaćena sredstva u iznosu od 21.000,00 KM.

Shodno obavezama prema korisnicima (refundacija troškova obaveznih doprinosa) realizacija Projekta će se nastaviti u 2018. godini.

3. Sufinansiranje troškova nabavke novih mašina i druge opreme u cilju proširenja djelatnosti i povećanja broja zaposlenih (osim za trgovine, ugostiteljstvo i poljoprivredu)

Ovom vrstom podsticaja nastoji se pružiti podrška registrovanim poduzetnicima i obrtnicima sa područja općine Kakanj, a u svrhu razvoja poduzetničke inicijative, povećanja kvaliteta proizvodnje, proširenja djelatnosti i povećanja broja zaposlenih.

Pravo učešća na Javnom pozivu imala su registrovana pravna i fizička lica (osnovno zanimanje) osim trgovine, ugostiteljstva i poljoprivrede, a koja su mašine i drugu opremu nabavila u 2017. godini. Podsticajna sredstva iznosila su 50% od vrijednosti nabavke, a maksimalan iznos podsticaja je do 5.000,00 KM. Nadležna služba je zaprimila ukupno 23 prijave, a pravo na dodjelu podsticajnih sredstava ostvarilo je 15 poslovnih subjekata.

4. Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj

Pravo prijave na Javni poziv za ovu vrstu podsticaja imali su poslovni subjekti registrovani na području općine Kakanj koji su imali potrebu za zapošljavanjem novih radnika uslijed pokretanja nove proizvodnje, povećanja obima postojećih poslovnih aktivnosti, uvođenja tehnoloških i organizacionih promjena. Služba za privredu, urbanizam i zaštitu okoline zaprimila je ukupno 32 prijave poslovnih subjekata koji su potraživali ukupno 50 radnika. Analizirajući pristigle prijave, a u skladu sa potrebama poslovnih subjekata i raspoloživim sredstvima planiranim za navedeni Projekat, pravo na dodjelu podsticajnih sredstava ostvarilo je 9 poslovnih subjekata koji su shodno potpisanim ugovorima zaposlili 16 osoba, sa evidencije Biroa za zapošljavanje, na period od 9 mjeseci (6 mjeseci bruto plaća se sufinansira iz Budžeta Općine, a 3 mjeseca korisnik podsticajnih sredstava – poduzetnik/obrtnik) .

Shodno obavezama prema korisnicima (refundacija bruto plaće) realizacija Projekta će se nastaviti u 2018. godini.

5. Regresiranje kamata po kreditima odobrenim u komercijalnim bankama u 2016. i 2017. godini za poduzetnike i obrtnike sa područja općine Kakanj (osim za trgovine i ugostiteljstvo)

Podsticajna sredstava sa ove pozicije planirana su za regresiranje kamata po kreditima odobrenim u komercijalnim bankama u 2017. godini za poduzetnike i obrtnike sa područja općine Kakanj (osim za trgovine i ugostiteljstvo), te za regresiranje kamata po kreditima odobrenim u 2016. godini, poduzetnicima i obrtnicima koji su ostvarili pravo na ovaj podsticaj u 2016. godini (Programom je definisano da će Općina korisnicima podsticaja refundirati kamate za cijeli otplatni period, pojedinačno za svaku godinu na kraju kalendarske godine).

Poslovni subjekti kojima su krediti odobreni u 2017. godini, a koji su se prijavili na Javni poziv za ovu vrstu podsticaja nisu ispunjavali uslove definisane Programom, te su sa ove pozicije isplaćena podsticajna sredstva samo poduzetnicima koji su na to ostvarili pravo u 2016. godini.

6. Sufinansiranje dijela troškova zakupa poslovnog prostora obrtničkim radnjama i preduzećima d.o.o., koji su registrovali djelatnost i osnovali firmu na području općine Kakanj u 2017. godini

Pravo prijave na Javni poziv za ovu vrstu podsticaja imala su fizička i pravna lica koji su registrovala djelatnost kao obrt ili preduzeće – d.o.o. na području općine Kakanj u 2017. godini, a koji su svoje poslovne aktivnosti obavljali u prostorijama na osnovu Ugovora o zakupu. Služba za privredu, urbanizam i zaštitu okoline, za ovu vrstu podsticaja, zaprimila je samo jedan zahtjev fizičkog lica kome su i dodijeljena podsticajna sredstava.

7. Sufinansiranje Projekata u saradnji sa humanitarnim i nevladinim organizacijama (HELP, World Vision i Muslim Aid)

Općina Kakanj je u saradnji sa H.O. World Vision je u 2017. godini (realizacija će se nastaviti i u 2018. godini) započela sa realizacijom projekta „Podrška ranjivim porodicama na području općine Kakanj“ čija je ukupna vrijednost 7.000,00 KM, od čega je finansijsko učešće Općine Kakanj 5.000,00 KM, a H.O. World Vision 2.000,00 KM.

8. Sufinansiranje projekta „Ekonomsko osnaživanje žena kroz obuku krojenja i šivanja“

Projekat ekonomskog osnaživanja žena se realizovao u saradnji sa Udruženjem žena općine Kakanj „UŽOK“ kroz obuku šivanja i krojenja, te izradu rukotvorina kroz procese tkanja. Obuka je trajala šest mjeseci i to od 10.03.2017. – 27.09.2017. godine, tj. svaka grupa po dva mjeseca. Ukupno 63 žene su pohađale i uspješno završile obuku krojenja, šivanja i tkanja.

Svaka polaznica je obučena za samostalan rad, te im je omogućeno da osim svojih potreba pružaju usluge i drugima, te na ovaj način zarađuju novac i steknu određeni vid ekonomske nezavisnosti.

9. Finansiranje (refundacija) bruto plaće zaposlenika UPOK-a

Kako bi podržali rad Udruženja poslodavaca općine Kakanj „Centar za podršku biznisu“ Kakanj sa ove pozicije finansirana (refundirana) je bruto plaća sekretara Udruženja za period 01.12.2016. -30.11.2017. godine.

10. Promocija razvoja poduzetništva i obrta

Podsticajna sredstva namijenjena za promociju razvoja poduzetništva i obrta utrošena su za kotizaciju i troškove prijevoza za učešće 8 (osam) izlagača sa područja općine Kakanj na 6. Sajmu organske i poljoprivredne proizvodnje i etno-narodnog stvaralaštva OPEN'S – ZENICA 2017.

Općina Kakanj je u saradnji sa NTV „IC“ Kakanj organizovala snimanje 2 (dvije) polusatne emisije u svrhu promocije poduzetništva i podizanja poduzetničke svijesti kod mladih sa područja općine Kakanj kroz projekat „Pokreni svoj posao u Kaknju“. Sa predmetne pozicije plaćene su usluge objavljivanja javnih poziva i drugih sadržaja vezanih za poduzetništvo i obrt u 2017. godini, medijsko predstavljanje korisnika podsticaja i dr., te registracija domena i web hosting paketa, razvoj web stranice i newslettera-a „Invest in Kakanj“.

11. Ugovorene obaveze prema korisnicima podsticajnih sredstava iz 2016. godine

Shodno potpisanim ugovorima o realizaciji projekta „Pokreni svoj posao u Kaknju“ od juna 2016. godine obaveza Općine je da korisnicima predmetnog podsticaja (26 korisnika) refundira troškove obaveznih doprinosa - PIO, zdravstveno osiguranje i osiguranje od nezaposlenosti, za registrovanu djelatnost, period od 12 mjeseci. Sa ove pozicije je utrošeno više novčanih sredstava od planiranih u iznosu 5.602,45KM iz razloga što se iznos obaveznih doprinosa za pojedine korisnike mijenjao tokom godine i nije bilo moguće do kraja precizno utvrditi potreban iznos sredstava.

12. Rezervna sredstva

Sa ove pozicije uplaćena su novčana sredstva Regionalnoj razvojnoj agenciji za Hercegovinu–REDAH za provođenje postupka certifikacije Općine po BFC SEE standardu, sufinansirana je nabavke mašina UŽOK-u, finansijska pomoć taksiprijevoznicima oko prikupljanja dokumentacije potrebne za prijavu na Javni poziv za raspored taksivozila na taksistajališta, korištenje prostora JU „KSC“ Kakanj (Mala Sala), finansijska pomoć oko pokretanje vlastitog biznisa osobe za invaliditetom.

13. Sufinansiranje obuke i stručnog osposobljavanja radnika za poslove krojenja i šivanja

Nakon objavljivanja Javnog poziva za ovu vrstu podsticaja prijavilo se jedno pravno lice. Pregledom dokumentacije koju su zainteresovani poslovni subjekti bili obavezni dostaviti uz prijavu na javni poziv kontaktovano je da pomenuto pravno lice nije ispunjavalo uslove za dodjelu podsticajnih sredstava, te stoga ista nisu utrošena.

NAPOMENA: Na osnovu poglavlja III stav 2 Programa utroška sredstava iz Budžeta Općine Kakanj za podsticaj razvoja poduzetništva i obrta za 2017. godinu, određeni iznos podsticajnih sredstava sa pozicija na kojima su ostala neutrošena, preusmjerena su na realizaciju drugih podsticaja iz Programa na kojima se ukazala potreba za povećanje sredstava da bi se projekti realizovali u potpunosti.

ZAKLJUČAK

U Budžetu Općine Kakanj za 2017. godinu za podsticaj razvoja poduzetništva i obrta odobren je iznos od 400.000,00 KM. Od navedenog iznosa u 2017. godini Služba je realizirala podsticaje iz Budžeta (zaključila ugovore) u iznosu od 358.258,91 KM. Od realiziranog iznosa podsticaja isplaćeno je 328.517,42 KM, a preostali dio sredstava u iznosu od 29.741,49 KM su obaveze shodno potpisanim ugovorima i obavezama prema korisnicima projekata „Pokreni svoj posao u Kaknju“, „Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj” i „Regresiranje kamata po kreditima odobrenim u komercijalnim bankama za poduzetnike i obrtnike sa područja općine Kakanj“ i biće isplaćene u 2018. godini.

Uz realizirana općinska novčana sredstva za podsticaj u oblasti poduzetništva i obrta realizovana su i novčana sredstva Vlade ZDK- a u iznosu od 21.000,00KM (isplaćeno 9.875,78KM a ostatak novčanih sredstava 11.124,22 KM će biti isplaćen u 2018. godini – refundacija troškova obaveznih doprinosa) i novčana sredstva H.O. World Vision u iznosu od 2.000,00 KM.

Iz gore navedenog se vidi da ukupno realizirani podsticaji u oblasti poduzetništva i obrta, na području općine Kakanj, u 2017. godini iznose 381.258,91KM, od čega je isplaćeno 340.393,20 KM, a preostali dio u iznosu od 40.865,71 KM će biti isplaćen u 2018. godini.

OBRADIVAČ:
Služba za privredu, urbanizam i
zaštitu okoline

PREDLAGAČ:
Općinski načelnik
Nermin Mandra